

*Bosna i Hercegovina*  
*Agencija za rad i zapošljavanje*  
*Bosne i Hercegovine*  
**SARAJEVO**

---

*Bosnia and Herzegovina*  
*Labor and Employment Agency of*  
*Bosnia and Herzegovina*  
**SARAJEVO**



*Босна и Херцеговина*  
*Агенција за рад и запошљавање*  
*Босне и Херцеговине*  
**САРАЈЕВО**

---

*Bosnia and Herzegovina*  
*Labor and Employment Agency of*  
*Bosnia and Herzegovina*  
**SARAJEVO**

## **PRESS MATERIJAL**

Sarajevo, februar 2017.

## 1. OSNOVNI TRENDOVI NA TRŽIŠTU RADA

U januaru 2016. godine u Bosni i Hercegovini registrovano je povećanje broja nezaposlenih lica za 0,3% u odnosu na prethodni mjesec, dok je od februara do jula broj nezaposlenih lica bio u opadanju. U julu i avgustu došlo je do povećanja ovog broja, što je i očekivano zbog novoprijavljenih na evidencije radi završetka školovanja. Od septembra do kraja godine zabilježeno je ponovno smanjenje broja nezaposlenih lica.

U poređenju sa istim periodom prošle godine, broj nezaposlenih lica u svih dvanaest mjeseci 2016. godine, bilježio je, kao i prethodne dvije godine, kontinuirano smanjenje.

Posmatrajući proteklih dvanaest mjeseci 2016. godine možemo konstatovati da je u periodu od januara do kraja decembra 2016. godine zabilježeno:

- smanjenje broja registrovanih nezaposlenih lica (ovaj broj se smanjio za 27.546 lica ili 5,12% u odnosu na 2015. godinu),
- povećanje broja novoprijavljenih lica na evidencije nezaposlenih (ukupno za posmatrani period registrovano je povećanje od 4.162 osobe odnosno 2,37% u odnosu na 2015. godinu),
- povećanje broja zaposlenih lica sa evidencija zavoda i službi zapošljavanja (u odnosu na isti period prošle godine ovaj broj je veći za 20.795 lica ili 18,67%),
- povećanje broja prijavljenih potreba za zapošljavanjem radnika za 43,81%,
- povećanje broja lica kojima je prestao radni odnos za 4,76%,
- povećanje broja korisnika novčane naknade (u poređenju sa prosjekom za isti period u 2015. godini veći je za 517 ili 4,1%).

Tržište rada u 2016. godini bilježi pozitivne promjene. Broj zaposlenih lica u BiH u periodu januar-decembar 2016. godine konstantno je bio u porastu kako na mjesečnom, tako i pri godišnjem poređenju. Povećanje broja zaposlenih lica je doprinijelo smanjenju stope nezaposlenosti koja je u decembru iznosila 40,9% i u odnosu na isti period 2015. godine smanjila se za 1,8%.

**Prosječan broj nezaposlenih lica u BiH u 2016. godini iznosio je 521.357 i manji je za 3,8% u poređenju sa istim periodom 2015. godine.**

### Ulasci i izlasci sa evidencije nezaposlenih

Realizacija programa u okviru aktivnih mjera zapošljavanja odvija se u dosta složenim uslovima, međutim u proteklom periodu registrovano je **povećanja broja lica zaposlenih sa evidencija zavoda i službi zapošljavanja. U periodu januar-decembar 2016. godine ukupno je registrovano 132.191 lice zaposleno sa evidencija zavoda i službi zapošljavanja, što je za 20.795 lica ili 18,67% više nego u istom periodu prošle godine.**

Na evidencije zavoda i službi zapošljavanja u BiH u periodu januar–decembar 2016. godine prijavilo se **107.893 lica** kojima je prestao radni odnos i taj broj je povećan u odnosu na isti period 2015. godine za 4,76%. Ovo je ukupan broj i odnosi se na prestanak radnog odnosa po različitim osnovama koje uključuju otpuštanja po osnovu stečaja i likvidacije preduzeća, tehnološkog ili organizacionog viška, prestanka rada poslodavca, prestanka ugovora na određeno vrijeme, sporazumnog raskida, povrede radne obaveze i drugih razloga.

## Kvalifikaciona struktura nezaposlenih lica

U strukturi lica koja traže, zaključno sa 31.12.2016. godine, NKV radnika je 137.072 ili 26,88%, PKV 8.721 ili 1,71%, KV 168.960 ili 33,13%, VKV 2.513 ili 0,49%, NSS 1.361 ili 0,27%, SSS 142.777 ili 27,99%, VŠS 7.172 ili 1,41% i VSS 41.446 ili 8,13%.

**Najveći broj evidentirane nezaposlenosti čine lica sa trećim stepenom obrazovanja KV radnici 33,13%, te radnici sa SSS 27,99%.**

## Broj prijavljenih potreba za radnicima

U Bosni i Hercegovini u periodu januar – decembar 2016. godine **poslodavci su zavodima i službama zapošljavanja prijavili ukupno 62.528 potreba za zapošljavanjem novih radnika.** Ovaj broj je veći u odnosu na isti period prošle godine za 19.049 ili 43,8%.

## Materijalno-pravna zaštita nezaposlenih

U skladu sa važećim zakonskim propisima, u decembru 2016. godine novčanu naknadu koristilo je **13.056 lica ili 2,6% od ukupnog broja registrovanih nezaposlenih lica. U istom periodu 2015. godine** novčanu naknadu koristilo je **12.716 lica**, što ukazuje da se ovaj broj povećao za **340 lica ili 2,7%.**

**Pravo na zdravstvenu zaštitu ostvarilo je 417.497 lica ili 81,9%** od ukupno registrovane nezaposlenosti u BiH.

## Zaposleni prema Agenciji za statistiku BiH

**Broj zaposlenih u Bosni i Hercegovini u periodu januar-novembar 2016. godine bio je u porastu u odnosu na isti period 2015. godine i to za 2,1%.** Najveći rast zaposlenosti u proteklom periodu zabilježen je u sektoru poslovanja nekretninama, administrativne i pomoćne uslužne djelatnosti, djelatnosti pružanja smještaja, te pripreme i usluživanje hrane, poljoprivreda, šumarstvo i ribolov i ostale uslužne djelatnosti. U periodu januar-novembar 2016. godine broj zaposlenih u sektoru poslovanja nekretninama **bio je veći za 13,9%**, u sektoru administrativne i pomoćne uslužne djelatnosti **za 7,3%**, u sektoru djelatnosti pružanja smještaja, te pripreme i usluživanje hrane **za 6,3%**, u sektoru poljoprivreda, šumarstvo i ribolov **za 6,0%**, a u sektoru ostale uslužne djelatnosti **za 5,3%** u odnosu na isti period 2015. godine.

Najveće smanjenje broja zaposlenih lica u istom periodu zabilježeno je u sektorima finansijske djelatnosti i djelatnosti osiguranja 1,5%, vađenje ruda i kamena 1,4%, i javne uprave i obrane, obaveznog socijalnog osiguranja 0,9%.

## Anketa o radnoj snazi

Kako bi dobili međunarodno uporedive podatke o tržištu rada, Agencija za statistiku BiH, Federalni zavod za statistiku i Republički zavod za statistiku Republike Srpske su od 2006. godine počele sa redovnim provođenjem Ankete o radnoj snazi na godišnjem nivou, koja je zasnovana na standardima MOR-a i EUROSTAT-a.

Prema rezultatima Ankete o radnoj snazi za 2016. godinu<sup>1</sup>, u BiH radnu snagu (ekonomski aktivno stanovništvo) je činilo 1.074.000 lica, dok je broj neaktivnih iznosio 1.415.000 lica. U okviru radne snage **zaposlenih** je bilo **801.000** i **273.000 nezaposlenih lica**.

**Anketna stopa nezaposlenosti je značajno manja od registrovane i na nivou BiH za 2016. godinu iznosila je 25,4%. U odnosu na 2015. godinu manja je za 2,3%.** Stopa nezaposlenosti bila je najviša među mladima starosti od 15 do 24 godine i iznosila je 54,3%. Stopa nezaposlenosti mladih od 15 do 24 godine se smanjila u odnosu na 2015. godinu 8,0%.

Broj aktivnih i neaktivnih lica koji čine radno sposobno stanovništvo se smanjio u odnosu na 2015. godinu za 3,5%. Radna snaga – aktivno stanovništvo smanjila se za 5,5%. Broj zaposlenih lica manji je za 2,6%, dok se broj nezaposlenih lica smanjio za 13,3% u odnosu na 2015. godinu.

**Stopa zaposlenosti veća je u odnosu na 2015. godinu za 0,3% i u 2016. godini je 32,2%.**

Prema Anketi, polna struktura nezaposlenih je: 54,9% muškaraca i 45,1% žena.

Obrazovna struktura nezaposlenosti pokazuje da najveći udio 70,1% čine lica sa završenom srednjom školom, 16,6% su lica sa osnovnim obrazovanjem i niže, dok je 13,4% završilo višu školu, fakultet, akademiju, magisterij ili doktorat.

## **2. POSREDOVANJE AGENCIJE ZA RAD I ZAPOSŁJAVANJE U 2016. GODINI**

### **Slovenija**

**U 2016. godini** zaprimljeno je 3.625 oglasa za zapošljavanje 6.925 osoba, a od toga je sa današnjim danom ukupno potpisano 4.635 Ugovora o radu i izdato je **4.778 radnih dozvola** za građane Bosne i Hercegovine.

Iz gore navedenog može se zaključiti da je u 2016. godini u odnosu na 2015. godinu postignut napredak u zapošljavanju državljana Bosne i Hercegovine u Republici Sloveniji.

- Zaprimljeno je 1.704 oglasa više što u odnosu na 2015. godinu čini povećanje od 88,70%.
- Potraživano je 2.491 više slobodnih radnih mjesta, što u odnosu na 2015. godinu čini povećanje od 56,18%.
- Potpisano je 1.547 Ugovora o radu više, što u odnosu na 2015. godini čini povećanje od 50,54%.
- Izdata je 2.101 radna dozvola više što u odnosu na isti period u 2015. godini čini povećanje od 78,48%.

Od početka implementacije Sporazuma između Vijeća ministara Bosne i Hercegovine i Vlade Republike Slovenije o zapošljavanju državljana Bosne i Hercegovine u Republici Sloveniji, od 1.3.2013. godine do kraja 2016. godine, **ukupno je zaprimljeno 7.514 oglasa za zapošljavanje 15.572 osobe.** Od toga je potpisano **10.713 Ugovora o radu** i izdato je **9.986 radnih dozvola** za građane Bosne i Hercegovine.

<sup>1</sup> Izvor: Agencija za statistiku BiH, Anketa o radnoj snazi 2016.

Godina realizacije Sporazuma	Zaprimljeno oglasa	Zaprimljeno po oglasima slobodnih radnih mjesta	Potpisano Ugovora o radu	Izdato radnih dozvola
2013.	624	1.465	1.023	<b>661</b>
2014.	1.344	2.748	1.994	1.870
2015.	1.921	4.434	3.061	2.677
2016.	3.625	6.925	4.635	4.778
	<b>7.514</b>	<b>15.572</b>	<b>10.713</b>	<b>9.986</b>

U 2016. godini u dosadašnjem toku realizacije Sporazuma o zapošljavanju državljana Bosne i Hercegovine u Republici Sloveniji najviše su se tražili radnici iz Bosne i Hercegovine sa sljedećim zanimanjima:

- Vozači (razne kategorije uključujući i međunarodni transport);
- Varioci ;
- Armirači;
- Zidari;
- Elektroinstalateri;
- Bravari;
- Fasaderi;
- Građevinski radnici.

### **Njemačka**

**U 2016. godini** zaposleno je 991 osoba kod poznatog poslodavca i 88 putem triple win-a (70 ih je još u proceduri). Ukupno u Njemačkoj je zaposleno 1.079 osoba. Od početka programa, pa do kraja 2016. godine ukupno je u Njemačkoj zaposleno 2.701 radnik.

Ukupan broj zaposlenih građana Bosne i Hercegovine po osnovu realizacije Sporazuma o zapošljavanju sa Republikom Slovenijom i Dogovora o posredovanju pri zapošljavanju radnika u SR Njemačkoj **za 2016. godinu** iznosi **5.857** građana Bosne i Hercegovine.